

—Ուրեմն, խնդրեմ, երկու սենեակ,— ասացի կառքից իջնելով:

—Բայց, pardon, Melle, իմ տունս հիւրանոց չէ,— պատասխանեց նա վիրաւորւած շեշտով:

Ընդհանուր ապշութիւն:

Այն ժամանակ ցոյց տւի իրան իր քարտը:

Մարդը նայեց զարմանքով, յանկարծ ձեռք խփեց ճակտին ու այնպէս վարակիչ կերպով սկսեց ծիծաղել, որ մենք էլ ժպտացինք ակամայ, առանց հասկանալու, թէ բանն ինչումն էր:

—Այ մարդ, ես քեզ ո՞ւմ ետեւիցն եմ ուղարկել,— դարձաւ նա ծառային, որ կանգնած էր մի շատ անյարմար դրութեան մէջ:

—Կայարան, ձեր ազգականների,— կակազեց յարդէ գլխարկը:

—Եւ մինչեւ հիմա դու նրանց դեռ չես ճանաչում. քանի անգամ տեսել ես ու բերել ինքդ:

Ծառան մի ոտից միւս ոտի վրա էր անցնում, ու վերջապէս մըթմըթաց.

—Է՛հ, ես ի՛նչ գիտնամ, այս բոլոր եւրոպացիք այնպէս նման են միմիանց:

Բանը պարզեց ընդհանուր ծիծաղով. պ. Jiraud մեզ ներս հրաւիրեց միասին նախաճաշելու եւ ծառային նորից կայարան վազցնել տւեց:

Բանից դուրս եկաւ, որ այդ միակ երկարաբերի ճապոնացին մի պարզ Ֆրանսիացի էր, Ֆրանսիական դեսպանատան ատաչէ: Բայց ինչպէս ճապոնում ապրող շատ եւրոպացիներ, նա իր կեանքն ու կենցաղը բոլորովին